

《大乘起信論導讀》 補充講表


◎附表二十一：糅合《大乘起信論述記》

○二空（二無我）釋義（以下糅合懺雲老和尚《百法明門論表解》）

◆吾人生死輪迴之根本為惑，惑有二執、二障之別；二執為我執、法執，二障則為煩惱障、所知障。

◆由二執起二障，障礙二轉依妙果，而受二種生死苦果。若破二執，即斷二障，能證二空（二無我），則了二種生死，得二轉依妙果也。

○二執表解



○「我執、法執」之生起有二種：俱生起與分別起



※《唯識心要》卷六云：「薩迦耶，義翻積聚；謂積聚四大五蘊，假名為身。依身妄起我、我所執，故名薩迦耶見。此見復為一切惡見根本，一切邊邪等見，皆依身見而生故也。」

○對治邪執者，一切邪執，皆依我見；若離於我，則無邪執：一者、人我見，二者、法我見。

2

◆顯示正義既竟，即應繼明分別發趣道相，今先說對治邪執者，良以欲修道業，必先除邪執；如瓶原貯毒藥已久，今欲盛妙藥，必先除毒藥盡，再入妙藥，始無損失。

◆一切：人我執，法我執，開則皆有無量。二執雖多，所依本唯一我，故曰：皆依我見。見為分別義，在我上分別，為我見，亦曰：見惑，十使煩惱，從分別所起之惑，為現生所起之分別妄見，見道能斷之。若思惑、則為俱生惑，向來即有，與人俱生者。

○人我見者，依諸凡夫，說有五種。云何為五？（人我見亦名分別我執）

※《大乘起信論裂網疏》卷四云：「人我見亦名我執，依我癡故，而起我見；依我見故，

南而起我愛我慢；依愛我故，而計我所；依計我所故，順之則貪。違之則瞋，具起無量諸煩惱法。故人我見，唯依凡

夫說有。若證小乘須陀洹果，則便永斷此邪執矣，況大乘乎！」

◆不正見者，亦名惡見。於諸諦理顛倒推求，染慧為性；能障善見，招苦為業。

※《唯識心要》卷六云：「以推求故，體即是慧；以顛倒故，名之為染。何謂顛倒？即是妄

執實我實法而已。九十六種外道，何嘗不求出離生死！只因我法二執所纏，故種種苦行，無非唐喪；此世他生，不能解脫。然則欲出生死，可不以破惡見為急務也哉！」

○一者、聞修多羅說：「如來法身，畢竟寂寞，猶如虛空；即謂虛空是如來性。

※《大乘起信論裂網疏》卷四云：「此即執有神我遍十方界，體常周遍，量同虛空之外道

也。原是謬解法身之義，成此外道；然執有神我，便非寂滅法身。」

○二者、聞修多羅說：「世間諸法，畢竟體空，乃至涅槃真如之法……唯是其空。

※《大乘起信論裂網疏》卷四云：「此即計斷滅空之外道也。執此唯空無物境界，以為涅槃真如，故滅色歸空；得四空定，謂我已證涅槃真如。

由其人我見在，所以窮空不歸，便入輪轉。」

三者、聞修多羅說：「如來之藏，無有增減，體備一切功德之法……示現說差別故。

○四者、聞修多羅說：「一切世間生死染法，皆依如來藏而有……具有一切世間生死等法。

※《大乘起信論裂網疏》卷四云：「此亦常見外道，計一切染法即我，不可復滅也；乃至

魔王卻留塵勞，恐其銷盡，亦是此見所攝。」

○五者、聞修多羅說：「依如來藏，故有生死；依如來藏……有其終盡，還作眾生。

※《大乘起信論裂網疏》卷四云：「此別計如來藏為心外實法，如冥諦勝性、虛空、大自

在天等，而以有生死得涅槃者，名之為人我也。」